

上清五常變通萬化鬱冥經



上清五常變通萬化鬱冥經

八

太上大道君曰空常者天地之魂魄陰陽之
威明空者九天之魂精常者九地之魄靈其
二炁則結成帝尊之大神以威輔弼之煥明
空常則以輔弼為瞻視役運天光察觀萬方
總錄天宿迴化五常召運攝會促機轉輪天
休地泰則空常隱藏天否地激則空常煥明
吉凶報應立告不祥變化萬氣改易陰陽四
時代謝莫不由焉故二星尊貴隱伏華晨皆
空常之妙趣難可屢瞻也得見二星延壽無

窮存修其道飛昇華堂上真祕言此之謂也
上相青童君敢請問空常之道靈音妙貴豈
可聞乎太上大道君曰空常者天地之至名
而謂之無名混而爲一是爲有名但九天祕
其靈音不行於經文既運輔弼爲視聽倚光
景以通真帝尊稟之以致治學者御之以致
仙使有心者求之於無測因復名之爲有名
有名而不傳於莽莽之徒莫能測焉好尚者
而不獲其真也如此豈復爲勸學之宗者哉
然九天有命唯宿有玄圖玉字方諸刻簡來

生合真之人得參隱名君當總掌羣方試校
萬仙理定幽微拯救兆民不得冒禁相告子
當祕焉於是君便登雲景之上丹靈朱房清
齋三月裂帛告靈金羊銀鴈禮天受真道君
告曰九天有禁依格萬劫一傳令運度交周

氣反上清道應行於今一依玄科七百年中
有其人聽三傳自無其挺封還九天或付名
山九洞之室輕泄漏慢責及七祖捷汲溟波
以灌四瀆擔負諸山以填河海此禍福報應
無一差失也子明審此言慎而行焉

凡欲步空常飛網以逃形變景飛行玉清當
以一月七過行之八節六丁日亦行其道至
其日入室燒香左右敷置圖席南向叩齒二
十四通閉目思五星煥明五方良久來下入
己身五藏之中金星入肺宮土星入脾宮火
星入心宮木星入肝宮水星入腎宮五星光
明洞照五藏覺體熏熱便思五星皇夫人及
二十五點空常晨君姓諱衣服各在其方都
畢而微祝曰
金木水火土總統四元玄精流映光照五門

中有五皇夫人靈君二十五點空常天尊變
化形影千合萬分降入五藏結成玉仙鍊我
七魄育我三魂舉形上昇飛入斗門遊戲上
都五星齊羣今日玄慶請如所陳畢
引星光炁二十五咽止便起登綱也并足

上太白星上閉氣七息向西而微祝曰

西方七門

白氣飛光

上有皓帝

少陰明皇

諱金上精

衣服羽裳

艷精流映

煥明金宮

號曰五點

空常之宗

帶符建節

召陰攝陽

變化水火

七十四方

使我飛步

隱景入空

駕乘白輿 遨翔雲房 天地長年 永亨無窮

畢仰咽七氣止次行十二步并足上鎮星

上閉氣十二息向西南仰天而微祝曰

中皇四氣 總監八靈 玉臺紫房 神點化生

內有元皇 五帝隱名 號曰步常 安鎮黃庭

八八

三

衣帶飛雲 首建華精 執籍持符 煥落火鈴

使我飛步 告我神名 下降脾府 鎮神安精

上天入雲 藏影逃形 變化萬物 遨遊玉清

得與皇君 俱保大明 畢

引星光氣十二咽止次行三步并足上熒

感星之上閉氣三息南向而微祝曰

三門洞曜 丹光流精 玄氣鬱勃 煥照南冥

上有赤皇 五帝明靈 諱遊光曜 衣錦文精

首建寶冠 腰佩玉鈴 出入朱宮 紫房絳城

保錄我命 南宮記生 使我飛步 變氣藏形

日吉行道 普天肅清 心神結真 五魂洞明

齊光三氣 合景火星畢

引星光氣三咽止次行九步并足上歲星

上閉氣九息東向而微祝曰

東方九氣 青天玉門 中有青晨 玄上之君

流青鬱勃 是為天魂 諱太明煥 天地高尊

身衣鳳衣 斑文虎裙 化生五點 變景九端

頭建青精 橫天玉冠 金符羽節 流鈴紛紛

手執隱書 飛行羽文 總我命錄 保我肝門

外映內曜 肝府結仙 迎我高登 上朝帝晨

引星光氣九咽止次行五步并足上辰星上
閉氣五息北向而微祝曰

五氣北玄 玄門洞靈 北晨流映 魁上玉清

中有太皇 五常尊名 諱陰元然 衣服玄清

首建玉冠 腰帶流鈴 金章玉節 翠珮煥明

徘徊華晨 傍觀八冥 迴津下降 入我腎庭

保錄五神 藏府鮮榮 內外充溢 變景化形

骨飛肉昇 上造玉清畢

仰引星光氣五咽止步五星畢從水星下從金

星上七步又登空常紀也第一并足上第一九

八

四

常上祝曰

地九常君 變景幽冥 為我隱步 以逃我形

次上第二育常上祝曰

育常靈君 形無常服 為我變化 身為草木

次上第三卯常上祝曰

卯常尊神 能沈能昇 為我化景 變成丘陵

次上第四流常上祝曰

流常皇君 形無恒身 為我吐喻 興氣起煙

次上第五行常上祝曰

行常大君 威伏萬鬼 變化我形 起煙成火

步五常畢還金星上閉氣五息而祝曰

飛空太幽 化景五常 北入五氣 南制三陽

金符命靈 太帝扶將 六戊逃已 保度洞鄉

太白護肺 金鎮胃腸 內充外溢 形魂俱翔

千變萬化 適意所迎 得與玉皇 同遊上京

畢引氣七咽止次從金星十二步登土星并足

上第一上常上祝曰

上常翔翔

變化億千

為我藏景

昇入九天

次上第二天常上祝曰

天常流炎

起煙成壘

為我逃形

帶神入火

次上第三名常上祝曰

名常北玄

以水為身

隱我河海

灌我成真

次上第四三常上祝曰

三常變威

光制八庭

為我致仙

却災攘兵

次上第五辰常上祝曰

辰常萬化 體無常形 為我致仙 逃死入生

步五常畢還土星上閉氣十二息叩齒十二通

而祝曰

元常五黃 中皇大神 變化七金 威伏三辰

逃身分形 上天入雲 總呼五靈 衛我脾門

使我藏府 早化成仙 飛玄入空 水火萬原

在意所欲 上昇無間 得與皇妃 結友齊羣

畢引氣十二咽止次從土星三步登火星并足

上第一空常上祝曰

空常至靈 輔弼上真 入我絳宮 總攝萬仙

次上第二河常上祝曰

河常逃伏 隱遁八冥 水火變化 使我仙成

次上第三元常上祝曰

元常變化 草木蔽身 使我形影 同舍道真

次上第四古常上祝曰

古常天雙 出入無間 身生羽翮 飛昇上天

次上第五巳常上祝曰

巳常南離 建九自覆 變化成形 立成鳴獸

步五常畢還火星上閉氣三息叩齒三通而祝

曰

流炎丹靈 三門電庭 五常變通 萬化鬱冥

攝命土皇 威制北精 上元保錄 固我長生

今日步空 乘虛入星 熒惑輔心 我道洞明

千分萬合 所向立成 魂導魄鍊 羽服時生

得與五星 攜輿玉清畢

引氣三咽止次從火星九步取木星併足登九六

五常上祝曰

九常青皇 天地魂根 使我變化 逃景隱山

次上世常上祝曰

世常天靈 總度萬仙 使我步空 合景成神

次上明常上祝曰

明常昭昭 光曜八皆

使我變形

逃水成地

次上五常上祝曰

五常威化 日制御五土

使我化形

立住成虎

次上法常上祝曰

法常彰木

位總神仙

使我分景

化身為千

步五常畢還木星上閉氣九息叩齒九通而祝

曰

少陽九門

徘徊青天

中有五常

變化億千

呼陰召陽

制御金神

東華命節

坐應自然

步空躡虛 策駕青烟 升降碧靈 下鎮肝門

道明九合 立致飛仙 得與青皇 同真赤晨

畢引氣九咽止次從木星五步取水星併足登

陰常上祝曰

陰常北玄 萬化之宗 使我住此 立成神龍

次上黃常上祝曰

黃常靈陰 化為玉女 使我分形 立為百已

次上定常上祝曰

定常總元 變化鬱勃 使我分形 以成萬物

次上飛常上祝曰

飛常入空 上下百韻 化形六畜 使人不見

次上六常上祝曰

六常綱紐 制鬼御神 迴轉天地 當之殺人

步五常畢還水星上閉氣五息叩齒五通

祝曰

北玄五氣 五門開張 中星黑皇 號曰五常

變化幽冥 出陰入陽 召命三晨 制御主宮

使我飛步 逃景太空 在所適向 分形百方

上造鈎陳 昇身玉京 體生奇毛 腎府納芳

今日行道 神仙之宗 得天上願 享祚無窮

畢引氣五咽止如此步二十五點常都竟
便下從門叩齒三十六通向網而歌三洞
飛步章九步登陽明星也併足上陽明星
上東向祝曰

太上宮中

變隱遁元

內妃大神

太一上尊

總領命籍

為我致言

藏形逃已

上昇帝軒

次上陰精星上東北向祝曰

中元宮中

保胎化形

內嬪太真

高上玄靈

斬胞解結

鍊胎固精

變化萬方

使我長生

次上彌星上向真人星祝曰

真元宮中

六遁七隱

上元玄母

育我胎產

遁化金室

變成蒼輦

使我飛空

長年無限

次上玄冥星上向北祝曰

紐幽宮中

匿景藏光

中元內妃

神仙大宗

度我六戊

出我八方

逃跡飛步

上超帝房

次上丹元星上西向祝曰

綱神宮中

變體易景

斗中大女

玄化無像

度我元斗

書名帝榜

飛空榮虛

騰身浮影

次上北極星上東北向祝曰

紀明宮中

隱跡散衆

斗中中女

靈化上宮

落我玄籍 度名諸方 分身成千 反容嬰童

次上天關星上向西北祝曰

關會宮中 分景萬形 斗中少女 玄上大靈

隨斗運機 總輪萬生 使我飛空 變化太冥

次上輔星上向天門叩齒九通祝曰

帝席上宮 右皇夫人 上對帝君 齊景合真

號曰妙常 變化九天 運導日月 聚氣成烟

迴轉水火 萬恠潛身 是時元吉 玄慶敷陳

使我飛步 乘常入真 九晨流落 享福萬千

形齊天光 德同三便畢

仰咽氣二十四過止次上弼星上向地戶叩齒

九通祝曰

上尊上宮 夫人右皇 帝尊同符 合靈華房

天魂地魄 號曰上空 變化九氣 萬真祖宗

迴金轉石 與天齊功 化消山河 呼雲召龍

萬恠立滅 分景億通人八 飛步躡虛九 流煥四衝

藏身魁席 覆衣天光 長靈天地 享慶洋洋

請如所願 受福永終畢

仰咽三十六過止如此皆一過行之不往反也

空常之道畢於此矣

太上步空常之道每至其日清齋燒香別
室獨處不交人事密而行之安心定意存
想神真星點羅列並使歷然徐而步綱五
年之中帝尊皇妃無不下降元皇五星無
不垂映洞明形內變化萬神也行之七年
分形萬景隱迹九空十四年飛行太虛上
昇斗晨若羈逼世務運會得經未獲修步
但每至其日燒香執經北向朝星存念神
真乞丐神仙如此便禳萬災辟却凶患神
朗體清還年反顏如此十四年延壽七百

年穢慢漏泄殃滅一門罰及七祖罪福愆
對其効甚明

從此入七步登金星上一祝

從金星十二步登土星上又一祝

從土星三步登火星上又一祝

從火星九步登木星上又一祝

從木星五步登水星上又一祝


如此五星畢通一祝又從金星起如初往
反十五過但步不祝其道畢

步五星畢又從外八人七步登地戶九常十以次行
 五常畢

還金星上一祝十二步登上常以次行五常畢

還土星上一祝三步登空常以次行五常畢

還火星上一祝九步登九常以次行五常畢



還木星上一祝五步登陰常以次行五常畢
還水星上一祝

天樞星元斗宮中魁精玄上真皇夫人姓明
通諱嬰育真名天𠄎𠄎頭作飛雲華積之髻
衣紫黃青三色之帔

天璇星玄魁宮中靈精上玄皇夫人姓玄鏡
諱鬱勃光真名天𠄎𠄎頭作飛雲華積之髻
衣飛錦羅裙鳳文錦帔

天璣星上精宮中靈妃元皇夫人姓常明諱
化雲真名𠄎𠄎頭建晨嬰寶冠衣飛雲明

光錦襪

天權星網極宮中上靈神妃華皇夫人姓開

生諱運明真名頭建七稱玉冠衣緋

羅鳳文之襪

玉衡星靈開宮中北上金蓋中皇夫人姓元

八

十一

方諱神武真名頭建紫晨飛華之冠


衣九色之襪

闔陽星北極宮中安上晨華元皇夫人姓玉

元諱根華真名頭建玉晨進賢冠衣

飛青羽襪

瑤光星運天宮中玉華靈皇夫人姓度元諱
終會真名  頭建飛華頽雲之髻衣七
色夜光雲錦之裙九色錦帔 六皇夫人姓生
洞明星空真宮中帝大明常皇夫人姓幽昇
諱元韻真名  頭作飛雲華頽之髻衣
飛羅之襪

隱元星常寶宮中空玄變靈上皇夫人姓冥
通諱萬光真名  頭建飛天七稱玉冠
衣青文錦襪

右九星之魂精皇夫人之至名變化之威

神知者不死修之飛仙也記而勉之

輔星帝席宮紫氣玉樓帝尊九晨君姓精常

諱無麤字玄解子真名天精頭建飛精玉

冠衣九色鳳衣

弼星上尊宮玉樓紫館帝尊元晨君姓幽空

諱空無先字隱元覺真名天毛頭建飛天

玉冠衣天龍衣

此二星則天地魂魄之威神輔星曰常主

天弼星曰空主地皆迴天宿轉五嶽變化

億萬知者延年無極修之立致藏隱二十五

點帝則以此二神之支輔靈尊之八號也
陽明星太上宮青城玉樓九晨君姓上雲諱
法嬰容字董洞陽真名天無頭建九晨玉
冠衣青飛裳

陰精星中元宮五色玉樓北上晨君姓育嬰


八八


十二

諱玄上笈字昌陽文真名天安安山頭建玄精
玉冠衣玄羽飛裳

真人星真元宮黃臺玉樓主仙華晨君姓歸
珽諱妙音光字通度元真名天真頭建飛

晨寶冠衣青羽飛裳

玄冥星紐幽宮朱臺玉樓玄飛蓋晨君姓冥
樞諱定宣覺字法開度真名頭建二
晨寶冠衣丹錦飛裳

丹元星網神宮素臺玉樓金剛魁七晨君姓
上開諱冥通光字朱煥元真名頭建

七寶飛天冠衣白錦飛裳

北極星紀明宮玄臺玉樓北晨飛華君姓明

靈諱長明化字淵洞源真名頭建飛

精華冠衣紫錦飛裳

天關星關會宮九層玉樓總靈九元北蓋晨

君姓玄樞諱轉天光字會天終真名天炁
頭建九元寶冠衣九色錦裳


右七星皆九精帝晨九天之威神治七星
之宮館廻轉天光召促劫運變化萬物混
合天地知其內名延壽七千年修行十四


年白日登晨也


太上宮中帝君變隱遁元內妃姓延明諱太
一法坦字幸正扶真名天炁衣黃錦帔丹
青飛裙頰雲髻

中元宮中帝君保胎化形內嬪姓開關諱太

一三窳字羅朱嬰真名  衣青錦帔綠羽飛裙頽雲髻

真元宮中帝君六道七隱上元母姓溟濛諱太一靈夷字冲雙兆真名  衣青錦帔繡羽華裙頽雲髻

細幽宮中帝君匿景藏光中元內妃姓開耀諱太一七烈字橫單磐真名  衣紫錦帔黃華羽裙頽雲髻

網神宮中帝君變體易景斗中大女姓玄路諱太一鬱書字疇止蘭真名  衣朱錦

帔紫青飛裙頽雲髻

紀明宮中帝君隱跡散衆斗中中女姓蜚廉

諱太一氣精字抱定陵真名  衣朱錦

帔青繡飛裙頽雲髻

關會宮中帝君分景萬形斗中少女姓翁重

諱太一郁墨字天凡淑真名  衣丹錦

帔青華羽裙頽雲髻

帝席宮中帝君化日月水火斗中高皇左夫

人姓常明諱太一石啓珠字落茂華真名

 衣紫錦帔繡羽丹裙頽雲髻 

上尊宮中帝君化金石山河斗中高皇右夫
人姓空黃諱太一愛條字育玄真名天雨隕
衣綠錦帔翠羽華裙積雲髻

右帝君九晨斗宮中隱妃九陰之大神知
之者則九妃下降攜兆上昇斗宮之中位

六


十四


為玉清真人七年能分景散形變化萬物
西混合幽冥飛行太虛上昇玉清

東方歲星陽元宮中真皇帝君姓碧空諱澄
瀾字清凝真名天雨隕頭建青精玉冠衣青

羽飛衣

星國別宮中真皇帝君姓碧空諱澄瀾字清凝真名天雨隕頭建青精玉冠衣青羽飛衣

南方熒惑星洞陽宮中真皇君姓煥空諱華
瓶字玄羅真名  在 頭建朱精玉冠衣絳
羽飛衣

西方太白星素明宮中真皇君姓浩空諱寥
凌字振尋真名  在 頭建金精玉冠衣白

羽飛衣

北方辰星玄斗宮中真皇君姓陰空諱玄華
字龍娥真名  在 頭建玄精玉冠衣玄羽
飛衣

中央鎮星上樞宮中真皇君姓常空諱玄瑤

字飛賢真名天天頭建黃精玉冠衣黃羽

飛衣

右五星宮中五真皇君隱名太上藏之紫

房九靈上宮不授始學之人得者皆宿有

玄圖刻簡來生九萬劫之前已逆注真名

八八

十五

應得其文也尅為後聖之臣玉清真人也

東方陽元宮中有真皇帝君皇夫人姓開常

諱寶容字飛雲真名天天衣青錦帔綠羽

飛裙積雲髻

南方洞陽宮中有真皇帝君皇夫人姓陽常

諱維停字散融真名天_天衣丹錦帔丹羽

飛裙頽雲髻

西方素明宮中有真皇帝君皇夫人姓明常

諱颯英字靈恩真名天_天衣素錦帔紫羽

飛裙頽雲髻

北方玄斗宮中有真皇帝君皇夫人姓淵常

諱肇咍字精原真名天_天衣玄錦帔翠羽

飛裙頽雲髻

中央上樞宮中有真皇帝君皇夫人姓康常

諱藏暝字耽延真名天_天衣黃錦帔黃華

飛裙顏雲髻

右五星夫人內陰隱名太上藏之玄斗紫
蓋宮中此五夫人皆迴天轉地盈縮三光
變化山河改易五行移動萬物隱藏幽冥
有知其道皆不復經履地戶魂過太山也

尅爲玉清之真依科萬劫一出

修九晨五星之道當以八節及本命之日夜
半入室北向叩齒九通閉眼思九星光明煥
照北方又存五星洞明五方垂光洞映己身
覺身在赤光之內內外冥然良久又思九星

五星帝君及皇君夫人九星內妃姓諱字衣
服各在其星宮並使分明須臾衆神欬然合
變爲一小兒如始生之狀名曰無常童子字
曰變化神王手執九星五星纓絡一身帶日
銜月童子以日月星光以映薰兆身身在赤
光之內表裏洞徹則爲混合萬變之道仍仰
咽氣九過而祝曰

八八

十六

周天大神 號曰帝皇 迴轉九道 精煥八方
洞天流曜 發芒散光 隱淪絕冥 迴合紫房
改化萬形 結成靈童 流降內外 玉真四衝

左命火鈴

右激電光

雲霧鬱勃

華文騫揚

太一神化

錦帔華裳

銜日戴月

身佩天章

飛迴五晨

促轉斗綱

適心縱已

在意所通

上天入冥

變化百方

保養我身

天地齊功

身生羽服

飛昇帝宮畢

仰咽氣九過止

洞思九真五晨之道隱淪八冥事極於此矣

金星五點第一點姓地常諱甕育字通勃真

名逃九元

第二點姓育常諱煥通字幽元真名入五道

第三點姓卯常諱金上字浩淳真名代六形

第四點姓流常諱谷清字逃迹真名轉三關

第五點姓行常諱浩逃字去斗真名服黑精

右西方太白星之五常並建素梁寶冠衣
素錦飛衣手執金符玉節主七門變化

八八

十七

土星第一點姓上常諱黃光字元胤真名逃

皇元

第二點姓天常諱寡電字卓度真名入木精

第三點姓名常諱空朧字霞玄真名變水火

第四點姓三常諱滕旻字靈變真名金上生

第五點姓辰常諱內溢字益微真名黑來谷
右中央鎮星五常之隱名並建黃梁寶冠
衣黃錦飛衣手執黃麾命魔之章主十二

門變化

火星第一點姓空常諱常陽字元無真名靈

通冥

第二點姓河常諱流精字七轉真名七神會
第三點姓元常諱南皓字精極真名入流光
第四點姓古常諱洞主字微生真名變三神
第五點姓巳常諱季行字後化真名逃形迹

右南方熒惑星五常並建朱梁寶冠衣朱
錦飛衣手執赤神召靈之章主三門變化
木星第一點姓九常諱青芒字上陽真名隱

真身

第二點姓世常諱蒼元字長命真名通九道

第三點姓明常諱碧淵字洞生真名化青光

第四點姓五常諱歸青字玉陽真名流電衡

第五點姓法常諱緣臺字明暖真名萬真會

右東方歲星五常並建青梁寶冠衣青錦

飛衣手執青帝制魔之章主九門變化

水星第一點姓陰常諱玄通字子元真名北

上元

第二點姓黃常諱曰空字冬冥真名動天衆

第三點姓定常諱隱陽字勃光真名輪大劫

第四點姓飛常諱上元字藏光真名定萬神

八八

十八

第五點姓六常諱終變字分圖真名八黑關

右北方辰星五常並建玄梁寶冠衣玄錦

飛衣手執北宮攝殺之麾主五門變化

修行空常變化之道常以八節及本命之日

正中入室南向叩齒十二通閉目思空常二

神及二十五點常之隱名衣服各在其方分
明羅列在星宮之中光明流煥玄映兆身良
久忽化為鳳凰玄龜二獸從天中來下鳳凰
乘赤氣之光下兆頭上玄龜乘白氣之光下
兆兩脚下鳳凰從兆泥丸中入玄龜從兆命
門下入赤白二氣交絡兆一身覺已形化成
鳳凰立玄龜之上在赤白二氣之中便叩齒

二十五通咽氣二十五過而仰祝曰真四

天精地靈 號曰空常 北入五氣 南制三陽

木生流火 七氣折傷 水灌九震 中元不行

土王養金 木氣伏藏 金符命靈 太帝扶迎

六戊逃已 隱影冥鄉 太一護肺 金鎮腎腸

上元輔心 鍊仙肝宮 內鮮外榮 玉真四充

變化萬景 混合二光 靈鳳玄龜 神獸來迎

洞虛入微 形魂同翔 千變萬化 適意所行

十八

十九

東西南北 莫不扶將 長保天地 享福無央

得與明皇 同遊上京 早

引氣二咽止

此空常隱淪之道玄微理妙事極於此所謂

變化萬方身生水火迴合天地適意所求者

矣子得之者位加仙公北辰書名南宮記籍
五星下降萬神侍衛福德自然無求傍力修
之九年立致飛行上步天宿遊宴玉清學無
此法便絕望於遐思無損神於寢夕矣上天
禁書輕泄漏慢罪及九祖父母已身卒亡長

閉鬼官

龍飛九道尺素隱訣

太上大道君以上皇元年二月一日甲子於
無量天告盟傳度飛行羽經空常變化隱文
以付北極真公時九天上帝高仙大聖並臨

盟場五帝束帶萬靈侍軒日月吐暉衆星列
精七元開闢黃道不行天地停機三界肅清
絳霞隨廕紫雲四騫時和日慶八景敷陳道
君裂帛華晨之下授訣金口之中發言九天
遙唱命諱上帝稱欣天真稽首魔王束形保

舉玄虛位登玉清命五老監試四司輔真左
右侍仙分盟告靈依俯仰之格北向祝曰
寒非登場上命九靈運度推移日月不停
是時告晨赤心解形銜刀南宮喻丹寔庭
金羊銀鴈禮獻上清裂素分經告盟于天

請如四極 萬劫一傳 有泄我言 禍罰七玄

有愆我盟 考滅爾形 生死謝責 長閉幽冥

畢於是裂素度經口授祕言

天真下降五帝衛靈九晨給以金晨玉童九百人九皇給以玉華玉女七百人五皇又給

八八

二十

五帝玉女各五百人五老命駕四司仗幡紫

雲飛輶十二瓊輪前導鳳歌後從天鈞六師

啓路九龍翼轅以迎於真公上登玉清北辰

上宮邀宴七元迴旋五宿歷步天關位登總

仙治於北極廣靈之宮至開皇上年以文付

東華青童大君依格萬劫一傳龍飛尺素之
道出於九天上帝以載天地九晨五星空常
之名高上寶祕靈音故爲盟文自非前生九
萬劫逆注玄簡錄字上清應爲真人者不得
盼其篇目參其隱音也得見此文生死成仙
能修其道則神光流映帝皇下降七年隱淪
變化百方出入幽冥浮景九空十四年白日
登晨飛昇玉清有宗大經但朝禮神真則致
長生延壽無窮千禍不干萬凶不當兵災殄
息觸向皆成出入則致九皇垂蔭項映圓光

五帝營衛所向司迎尅得奉侍聖君於上清
宮此道與元始俱生九元虛皇以傳太上大
道君大道君以傳後聖金闕帝君及太帝君
太微天帝君北極真公使付東華青童大君
依格萬劫一傳於後學得道之人傳度之法
受者依科齋信絳紋繒九十尺五色紋繒各
五十尺詣有經之師對齋百日或七十日或
七日於玄嶽立壇高寂之地書文北向分盟
度訣以金羊五兩告五星銀鴈九兩告九晨
二物禮天受經奉師効心子時露於壇場之

上以絳紋之中盛羊著東白紋之中盛鴈著
西告誓九天分盟各半口度祕名臨度之時
亦依上祝之法可謂寶道貴真誓不泄漏之
盟若無盟輕傳師及弟子同考滅身七祖充
責萬劫不原上天之禁宜各審詳登盟之時
弟子執羊鴈北向九拜次五方各一拜西起
竟南還西伏東向置羊鴈於師左右師於中
央北向叩齒九通稱某嶽真人臣某甲敢以
良時上吉三合喜辰謹登皇壇披形赤心清
齋軟丹列盟于天願高上垂映顧盼賤臣北

帝所舉^某嶽先生^{某甲}先身垂福慶深來生
輪轉流祚九天不絕宿名玄簡運稟今日得
目披洞章口詠帝一貪羨神仙仰希靈契今
輒於^某天之中授度羽章飛空之訣上告萬
帝至極元皇高仙大聖無量道君願垂廻映
曲監盟靈以玉清上宮真仙之氣輔侍^某身
上告五帝五嶽萬靈河海大神共監盟文請
如所奏依格以傳

奉玉皇上帝

齋 齋 齋 齋 齋 齋
齋 齋 齋 齋 齋 齋
齋 齋 齋 齋 齋 齋
齋 齋 齋 齋 齋 齋
齋 齋 齋 齋 齋 齋
齋 齋 齋 齋 齋 齋
齋 齋 齋 齋 齋 齋

齋齋齋齋齋齋齋齋齋齋

三
委女
嗣
雷日
陽陰
師授九祖益
畢也
齋

尺素訣左半

當以白素二尺書此文令一半在一尺上兩

半合中央符受者以紫筆書諱朱筆書文及

符師度諱請玉童玉女侍衛受者身畢於中

夾符裂分各半佩身男受取左女受取右以

丹錦爲囊盛文當心每不可冒生死之殄三
犯天宿奔潰五帝號泣魂精蕩散亡神失魄
不移年而喪身九天上禁慎之則天靈玄映
神真下降身生水火萬化自從也

太上白羽黑翮靈飛玉符

人八

二十三

元始九天父母太真丈人同宴景龍之輿從
桑林千真萬騎飛仙巨虬御輪流電迅烟縱
體適運口歌靈篇逍遙玄丘之洞解憇清波
之隅遊盤紫虛之館息駕無歲之端是時天
元煥明五晨迴光三素流雲紫烟吐芳飛香

繞日馥散太無華光交換三燭合明凝真上
契咀嚼日根餐玄注虛披朗金章洞嘯九微
靈暢瓊軒妙思感於太寂內念啓於自然以
上皇元年三月三日

元始啓旦忽致玄靈垂駕白鸞之車黑翮之
鳳口銜素章飛行羽經登空步虛真訣玉精
飛仙導烟羣神衛靈晻藹九霄之上煥赫玉
虛之庭來降於太真玄丘傳授寶經是日太
真丈人方退齋上清時太帝君紫微三素元
君天帝君太微天帝君高上玉皇之賓咸同

降坐燬百和之香置五色神官浮號玉位列
于紫宮衆真禮經旋行三周三素元君起立
西向發玄朗之音誦慶真羽章以讚神經其
辭曰

藹沫太虛館

靈風散奇香

蕭蕭玄景上

微颺翼太陽

素鸞迅飛鳳

口銜神羽章

翻翻振九霄

悲鳴煥玄梁

妙訣乘空發

清治道未央

羣真並稱慶

稽首禮玉皇

誦畢太帝君又起立北向誦曰

玄鳳迅雲翻

白鸞欣躊躇

飛香和芳花

流星耀雲衢

巨虬控長轡

飛仙互相扶

萬真慶嘉吉

欣鳳虛中遊

元始本無跡

玄感自相求

振羽不待駕

飄飄乘烟浮

寶章綜玄綱

五體御靈符

稱慶禮福庭

旋香各三周

八

二十四

誦畢天帝君起立東向又誦曰

素羽斑玄翻

乘浮落運迴

流香溢十天

芳芝鬱太微

靈章啓幽機

羽經朗玄輝

至道本無牘

持真景白飛

於天無量

於是誦畢太真丈人身建法服冠極天無量

三寶玉冠衣無縫九色飛雲耀光羽章左佩
流鈴右帶七元正南向而伏太微天帝君起
命羽仙侍郎擎執金案承經北向長立以授
於太真衆仙咸稱善太真長立授經面發金
光五體即生自然靈飛玉符登攜衆真共登
白鸞之車駕黑翮之鳳以宴常陽東之豪林
碧水之境扶桑之墟九源之口西遊玄羽素
野之域濛汜之濱南造朱陵極炎之精南夏
之邑北到朔陰洞玄之館寒水之鄉中盤十
絕黃氣陽精太玄玉京金臺玉室丹瓊之宮

遊朗十天八域洞清總領億真無天不係無
 幽不關無氣不統無仙不攝普御羣神自天
 以下莫不範德於太真仰宗於羽經也於是
 帝君各浮玄宮經劫七千傳於太上大道君
 焉


人五

二十五




上靈飛玉符玄仙羽精自然之章佩之七年

乘空飛行上登七元修羽經飛步之道無此
符則不得乘虛昇玄也受者青錦九十尺盟
天登修之日書左手掌心即能握碧霞而飛
行書青繒九寸佩之左肘六甲十二神靈飛
玉女十二人侍左



下靈飛玉符元始羽精玄玉之章佩之七年

乘空飛行上登五星行飛步昇玄之道無此
符則不得乘空而行也受者素錦六十尺盟
天登修之日書右手掌心則能握素霞而飛
行書白繒九寸佩之右肘六甲十二神靈飛
玉女十二人侍右




左靈飛玉符玄氣始生之精素羽之章佩之

九年乘空飛行上登五星行飛步昇玄之道
 無此符則不得躡雲玄昇也受者丹錦八十
 尺盟天登修之日書左足蹠心即能躡空飛
 行書絳繒九寸佩之左肘六甲十二神靈飛
 玉女十二人侍前


八八

二十六



右靈飛玉符元氣之精昇玄羽章佩之九年

得乘飛雲行步玉清修飛步之道無此符不
得躡於七元而昇虛也受者玄錦五十尺盟
天登修之日書右足蹠心即能步玄飛行書
皂繒九寸佩之右肘六甲十二神靈飛玉女
十二人侍後



太靈飛玉符陽氣黃精飛行羽章佩之九年

面生金光坐在立亡飛行太空修飛步之道
無此符則不得仰登星魁超昇九玄受者黃
錦十二尺盟天登修之日書符於心前即能
吐氣成雲乘雲飛行書黃繒九寸佩之左肘
六甲十二神靈飛玉女十二人侍身

八八

二十七

凡修行存思七星之道入室皆先服五符然
後書也書及服符皆東向叩齒十二通仰祝
曰

玄虛紫清

飛行羽經

上映雲宮

下攝千靈

控御六甲

運我身形

飛步天綱

上攀斗精

凝魂固魄

內鎮充盈

出空入玄

與氣常生

畢服符并書五心然後行事如此九年尅得
乘空御雲飛行太清左右靈飛玉符出於自
然之氣傳授於太真以登空步虛乘魁躡網
纏絡七元上昇玉清之道以備飛行羽經得
之者神仙佩之者成真入修之者致白鸞之
車黑翮之鳳來迎子身上登玉清宮遊宴常
陽太上大道君以傳上元太素君太微天帝
君施行道成祕於太上靈都之宮依科三千
年一傳不得輕泄宣露天真違盟負誓身沒

鬼官殃及九祖充閉幽泉

飛行羽經九真昇元上記

太上大道君昔受飛行羽經九真昇玄上記
寶言紫文綠金之字超虛躡空浮景之道於
玉清上宮虛皇高上道君於是太上大道君

以其要傳上清玉帝君上清玉帝君以傳上
元太素君上元太素君又傳太微天帝君太
微天帝君施行真祕以傳晨中黃景君晨中
黃景君又以傳皇初紫靈君皇初紫靈君以
傳中央黃老君中央黃老君以傳九微太真

玉保王金闕上相大司命高晨師青童大君
梵湄使以此文教授當得為真人者也諸有
太素絳錄及金闕刻名皆當得見此文自非
其人不得與相遇欲出傳之者必須精應感
暢乃付之耳軟盟斷金誓以不宣之信矣

八八

二十八

有此經者太素三元君遣玉童二十四人玉
女二十四人侍經之左右糾刺泄慢之愆衛
護有經者身此中真之道也非仙次第之中
也蓋中和之中真也配簡三元名刊太素行
則紫毛之節駕則八景雲輿前導萬靈後從

千真九鳳齊鳴天鈞唱弦神龍啓導五帝驂
軒飛行太空邀宴丹霄位為上清真人玉卿
之師諸有太上飛行羽經昇玄九真者聽三
千年六傳遇其人一日頓授之若無可授者
三千年限盡以朱書素寫六通封之峨嵋山
金臺之室過此不復傳出不可授而傳者泄
真入之道也受而不承科者毀真人之誓也
授者經師受者宗焉違經慢範宣露寶文者
七祖父母詣玄都受風刀之考身為下鬼積
幽夜之河也

欲受飛行散金為盟欲知仙忌文中為皆只既
知羽書天地同符子聞玄文超駕慶雲此之
謂也 出委羽洞臺刻石銘

太素三元君有言曰仙人始知廕庇斗星之
道而未知真人藏斗星之法夫九斗者天樞

人八

二十九

之正蓋玄軸之華寶機紐八維總旋九度廻
廕圓方運攝和氣理調陰陽司適無外夫斗
星者朗曜為之夜翳璿璣為之動用四象為
之流墜玄明煥爛威光赫蔚矣

太無帝君有言曰仙人徒知咀嚼陰陽吐納

二氣而不知斗星者是陰陽之根府二象之
玄綱也乃苦辛翫其波末而不識管始而甚
易廢庇其枝條而失乎根本矣何不藏九斗
陶冶至象耶行之十四年太上迎以瓊輪超
虛躡空上登上清列爲上真反神嬰顏衆神

侍軒

青童大君有言曰仙人徒知璿璣大威煥耀
萬辰觀九道之流赫翫圓動以攝神庇之以
求大度用之以求神仙而猶不識迴九光以
內照藏明斗於泥丸於是魂凝魄鍊合德雲

烟解其道上昇上清得其道身為上真是以
真人抱大象以匿霞包斗精以藏身我先師
是故左駕綠雲右轡絳晨身昇太素超虛躡
空存斗星紫色其綱赤色覺紫色之氣溫溫
暖也存星大小在意行之

此青童君口訣

昔栢成子谷希子廣成子青真子合存斗星
之氣並與身共入蓮實之中忽見蓮內有千
里金池玉山萬頃官臺宇室蓋亦連雲朱木
結實紫華生園碧輦玄黃三素八輪奇異之
觀不可名字四子遨遊經時旋宴極眇而反

當是之時不覺蓮實之中央也所謂以大投
小變化無蹤此存星之極感闊狹之標致也
乃可毫杪爲八極何蓮實之足妙哉

以月一日三日及五日禺中夜半唯一時也
入堂正坐北向接手定氣臨目畢乃存北斗

八八

三十

九星來下入頭泥丸中以柄杓前指魁偃向
上也良久忽見斗魁中有一大神人衣服各
字如祝所言極久頭中當小熱温温然也此
是上元九精真氣來入頭故暖異以告驗報
感之休應也方及咽液五十過叩齒九通畢

左手第三指捻兩眉中於是微祝曰
太上紫暉 九道之尊 華蓋七絡 迴曜萬晨
動御高靈 靜和景雲 陰陽流灌 一氣中分
遊濟無外 煥朗衆天 令月啓辰 來登泥丸
元精結感 化為大神 名曰竒紐 厥字靈綱
正坐斗中 遊我明堂 鳳羽紫帔 虎錦丹裳
左帶玉佩 右腰金鐺 手把流鈴 頭巾晨光
吐氣漑精 泥丸以康 魂魄凝和 植華柱梁
使我飛仙 超虛躡空 上造上清 策虎命龍
北朝玉帝 瓊琳上官 西謁太素 稽首三元

祝畢又咽液三十過叩齒九通又祝如前畢
起北向再拜西向再拜畢乃不復臨目事訖
諸寢靜之室牀上行之亦可也拜亦不下地
也夫真人作法所貴於安其所安崇妙簡微
不復曲折敗常乖乎寢處也要道不煩迺絕

八八

三十一

倫矣

後施三祝之法皆依飾擬象此行也但祝不
同及存星有背向之異耳要言在於密房曲
室勿令有見其存思時也所以爾者存思時
玉童玉女將在側而監焉不可吊喪臨尸經

穢殮衣被巾履一切勿錯越以假借於非類
矣何謂非類耶不同志契者是也非我同好
不與同席而坐非我同盟弗與同器而食道
俗有殊有崇奉六天及事山川魔神者弗居
其室弗饗其饌勿著其衣勿冠其中蓋避其
尸穢之下氣遏其邪風之往來也此所謂真
道之真道矣精妙之精妙也若能為其妙乃
得其真道避其穢乃獲其新若將混沌雜糝
臭香齊器不標其神不整其氣淫真同居貪
廉共位廁邪風而不蕩心履塵壤而不思超

邁者以此尋真為無也夜光不生於糞穽下
才不植於標頌此之謂也精感髮髯靈應機
微玉華告驗神光表暉自非爾師勿妄與之
言也

斗中大神者蓋九星之精因感變而忽生矣
是施行時當心存名字至後祝曰止後祝自
後有神又存如初若是泥丸中星神恒存居
其中每事効此為象

存斗星來下令極思不覺忽然已在我形中
也初存或未來時髮髯但極思念之如已在

形中亦足致感也久久自漸入妙

月七日九日十三日禺中時若夜半時入室
正坐接手定氣臨目畢乃存北斗九星來下
入心中以柄杓豎仰向喉魁中向外也良久
忽然見魁中有一大神衣服名字如祝所言

八八

三十二

極久當覺心中温温温暖真氣來入也乃咽液
五十過叩齒九通舉右手第二指以捻心於
是乃微呪曰

太上紫真 九氣中靈 包括萬度 瓊璣煥明
飛霞流曜 暉燭玉清 玄蓋衆晨 陰陽判成

四和交降

七緯順生

肇月吉辰

來映心庭

飛光絡景

中元充盈

六府啓關

華液泯平

魂魄制鍊

得真之精

感至觸變

億兆立成

忽見大神

坐安心房

整氣潮津

百節流通

攀斗據魁

眇邈百方

其名璿度

厥字素康

絳羽華帔

龍帶虎裳

身生寶曜

項負圓光

首巾飛晨

英冠低昂

使我飛仙

超浮太空

上造紫闕

北朝玉皇

役使萬神

衆靈奉迎

心上生華

慶雲永昌

鳳嘯玲玲

鸞吹鏘鏘

祝畢咽液三十過叩齒九通又祝如前祝畢起

南向再拜事畢乃開目

月十五日十九日二十三日禺中時若夜半
時入室正坐接手定氣臨目畢乃存北斗九
星來下入臍下三寸下元宮中以斗柄杓豎
向心魁中向外極久忽見魁中有一大神衣

人

三十三

服名字如祝所言亦當覺臍中溫溫熱真氣
來至也乃咽液六十過叩齒九通舉左手第
三指以捻鼻下人中於是乃微祝曰

太上紫皇 煥朗中樞 九緯炳藹 光秀太霞

萬靈仰鎮 千晨植牙 七度用明 九烟芬葩

制陽表順

執陰以和

真暉啓陣

玄根總羅

肇月惟吉

觀映臍內

紫氣發霄

飛光縱墜

鍊我魂魄

華津榮蔚

忽見大神

上宮靈貴

名曰祝萌

厥字流鬱

正坐臍中

乘斗九氣

吐納靈液

平血理胃

黃鳳羽帔

龍衣虎帶

手啓日根

頭戴綠芙蓉

腰生流火

煥電映無

使我飛仙

超虛躡浮

上造玉房

攜帶霄虛

役使萬神

天地同休

祝畢又咽液三十過叩齒九通又祝如前祝

畢起向本命再拜拜畢開目行下元之道畢

矣舉手有所捻是臨祝之時耳祝畢接手如
初以八節日夜半時入室正坐接手定氣閉
目內視乃存一身冉冉起上飛昇北斗魁中
良久為之如覺我形已在斗中也極念為之
當覺體中熱是真氣合德也又存九精三神

名字服色貌如嬰兒之始生也三神與我對
坐也我心拜之焉精想髣髴遺形眇眇將令
恍惚也乃咽津八十過叩齒九通舉左手拊
心乃微祝曰

太上丹靈 玄光颺煥 九璋啓璿 暉氣澄散

紫晨幽燭

七曜蔚燦

二景奏明

陰陽以判

四度用昌

靈津廻灌

八節啓氣

上昇九元

據斗攀綱

奉見三神

問我稽留

何不昇仙

我即稽首

畏以帝前

爾乃赫壯

口銜日根

左破六天

右督艷山

流鈴上煥

萬魔碎分

遂知我魄

強我三魂

藏斗內曜

九精在心

紫霞洞映

飛光萬尋

和魂制魄

六胎調鍊

精感變躍

玉妃忽見

坐當我心

俯視仰盼

其名密華

厥字璘蓓

吐納二氣

和平百關

身服鍊帔

鳳光鸞裙

腰帶虎錄

龍章玉文

八八

三十四

手執月華

頭巾紫冠

騰躍太霄

駕景蓋雲

書名太素

我得飛仙

超浮空洞

乘瓊太元

上造朱房

役使萬神

紀均二度

還反嬰顏

北帝激電

南帝火陣

蒼帝啓燭

赫赫電震

西流雙抃

鳴音唱鈞

四舉超躍

薦我玉真

遂乘八景

邀宴九烟

祝畢又咽液三十過叩齒九通復祝如前祝
畢起向西北再拜畢開目行八節之真畢矣

此道是超空之祕妙九真之奇法三段行真

月用九日故謂之九真昇玄文乃太真禁書

內寶為真之要訣也若得其人當傳之時受者當清齋百日或三十日或十日任意造其所適也又當先告齋一日以洗素心授者對齋如受者也付與之日皆當先軟血壘壇剪髮立盟為不宣不泄之信誓也後聖以軟血

人八

三十五

犯生氣之傷剪髮違膚毀之禮謹以黃金三兩代刻血之信青紋之繒三十二尺當代割髮之約師受誓物不得收為私利藉以濫用皆當施山栖高隱單貧道士若超騰步虛或投之於山室散之於靈巖所以爾者明天信

貴重誓深測道精賤寶欲也不奉科約生死
七祖父母受玄都風刀之考身為下鬼

傳授年限出授節度如上法當謹按之盟物
皆精上也啓心秀整坦誠殫允靡有不盡授
者則師宗也受者則資也聞道則仰範標模
求生則存近生地不遵所奉闕略違慢者三
世祖獲刑於火官身生棄疾軒轅師荆山丈
人丈人但解鍊石之道無他妙豈賢於軒轅
哉軒轅曾問其鍊石之道故遂師焉荆山丈
人是姬幽子也今在委羽山能鍊石成水煎

水成玉粉玉為散以石水服之能知其道與
天同存然不能飛行空虛手把晨霞也鍊石
雖妙固小術耳

右太上飛行羽經九真昇玄上記其道畢
矣其下卷是太上九真中經雖有上下序

然別法異用不相干也中央黃老君分以
傳太虛真人與八道秘言相次九真中經
在人間施行亦有口訣本文以祕不書今
請言

第一真法當以五月五日十五日二十五日

二十七日二十九日一月之中五過行之皆以平旦

第二真法當以八月八日十一日十四日十九日二十三日二十七日一月之中六過行之皆以辰時

八八

三十六

第三真法當以六月六日七日十七日十八日二十五日二十六日一月之中六過行之當以巳時

第四真法當以正月二日八日十四日十八日十九日二十八日一月之中六過行之皆

以午時

第五真法當以三月三日八日十三日二十
日二十六日一月之中五過行之皆以未時

第六真法當以七月七日十一日十四日十
八日二十三日二十五日二十八日一月之

中七過行之皆以申時

第七真法當以十一月二日六日九日十三
日十六日十九日二十三日二十七日一月
之中八過行之皆以酉時

第八真法當以二月二日七日九日十五日

十八日十九日二十七日一月之中七過行
之皆以戌或亥時

第九真法當以十二月三日九日十七日十
九日二十六日二十九日一月之中六過行
之皆以子時

右行九真中經口訣畢矣

八八

三十七

此月此日皆是合真迴順生氣攝精之時
可以存思易致玄感若高棲絕頂潛標雲巖
斷人事於內外割粒食以清腸接手正心念
乎舍晨皆當日日施行自如本經今之所書

蓋人間多事不得日日清閑以行之也行之
十四年亦足超浮虛無能生能死出水入火
上登上清五藏生華與天相傾其昇玄羽經
上卷也行之三過一月九日蓋亦人間未及
大靜之時若長齋久靜抱景獨往仰秀空洞
心單事外者皆宜此日行之以次相續一月
九行施於人中耳八節思斗中又存思忽見
斗中玉妃在我前坐玉妃吐紫烟入我口中
良久其衣服如八節所祝此女子是九精之
陰靈玉清之上妃也

此青童君口訣

上清五常變通萬化鬱冥經



